

**Date – 30/03/2026**

**Time - 7:30 -7:40 Hrs**

**AKASHVANI AIZAWL**

**REGIONAL NEWS BULLETIN**

**HEADLINES (MORNING)**

1. Tun hnai a phalna nei lova Mizorama lo lut ramdangmi 2-te chu thubuai siamsak lova thawn kir an ni tawh.
2. Mizoram chu India rama HIV positive sanna ni mahse HIV damdawi ART eite an hrisel that a, an dam rei chu thil lawmawm a nih thu MSACS hotuten an sawi.
3. Aizawl Municipal Corporation (AMC) ward 19 inthlanna lo awm tur atana candidate-te inhnuhdawh theih hun hnuhnung ber chu vawiin chawhnu dar 3 a ni.
4. Prime Minister Narendra Modi chuan Asia khawthlang lam ah petrol leh diesel harsatna a in mung chhoh mek thu leh khawvel ram hrang hrang te pawhin harsatna an tawh chhoh mek thu a sawi.

<><><>

**FOREIGNERS**

Tun hnai a phalna nei lova Mizorama lo lut ramdangmi 2-te chu thubuai siamsak lova thawn kir an ni tawh.

A lo lut hmasa zawk kum 58 a upa Slovak hnam hi kar hmasa Thawhlejni khan Myanmar lama luh a tum mek laiin Siaha district a Laki khua-ah Assam Rifles in an man a. Ramdangmi Mizorama lut turte tana neih ngei ngei ngai Protected Area Permit (PAP) nei lova lo lut a nih avang leh Myanmar a luh tum a nih avangin Siaha district Police thuneitute kutah an hlan a. Police leh intelligence pawl hrang hrangin thu an zawhfiahna a chhanna-ah he Slovak pa hian Thailand a khawsa leh khawvel hmun hrang hranga zin kual a nih thu a sawi bakah Myanmar ram chung ami a thianpa-in an kut pakhat chhim tura a sawm avanga Mizoram kaltlanga Myanmar luh tum a nih thu a sawi a. Central sorkar thuneitute nena an inrawn hnu-ah Zirtawpni khan Lengpui atangin Kolkata panin Mizoram a chhuahsan ta a ni.

Slovak pa an man tuk Nilaini khan kum 41 a upa Russian mi Igor Babko chu Tripura atangin Mamit district-a Rajiv Nagar khua-ah thirsakawra chuangin a lo lut a. PAP a neih loh avangin BSF-in lo manin Mamit district Police kutah an pe a. Mamit Police chuan Aizawl lamah rawn tirin central sorkar thuneitute nena an inrawn tlan hnu-ah nimin khan a thirsakawr vek hmangin Assam lamah an thawn leh ta a ni. Igor Babko hi May ni 4-a Delhi atanga Tokyo a thlawk chho tura thlawhna ticket nei lawk a nih

thu Police hotute'n Akashvani News Aizawl an hrilh. Police hotu pakhat chuan online hmanga PAP dilna hi Ministry of Home Affairs thuneitute'n an pek chhuah tlai thin avangin an hmanhmawhin Mizoram a central sorkar hnuai a thawkte hriatthiamna-in phalna an dilna pawmsaka lo lut mai an awm thin thu a sawi a. Hei hi central sorkar lam vuaicha vang a nih thu a sawi a ni.

He tih lai hian Union Home Minister Amit Shah chuan National Investigation Agency (NIA)-te'n tun hnaia an man Ukraine leh US mite chu India ram himna tichhe zawnga che ni lovin Mizoram kaltlanga Myanmar a luh tum mai an ni a ti.

<><><>

## **ADVISER TO CM**

Adviser to CM (Finance) Pu TBC Lalvenchhunga'n inrinni khan Kawnpui leh Sairang inkar kawng thawm that mek chu enfiahin chak zawka hmalak dan tur Mizoram PWD Chief Engineer Pu Robin Lalrinawma, J Intratech leh BR Goyal bakah Balaji Construction Company hotute nen an sawi ho.

Kawnpui to Khamrang kawng hi J intratech ten thawkin Dense Bituminous Macadam leh Water Bound Macadam an zo thaw khat tawh a, heng an hnathawh mek te hi April 20 hma ngeia zo turin Pu TBC Lalvenchhunga hian hnathawktute a ngen a ni.

Buichali leh Khamrang inkar chu BR Goyal ten an thawk mekin anni hian zo thawk khat tawh a, tunah hian tui luankawr an siam mek a. Kawnpui to Khamrang hi Balaji Company ten kilometre 2 an thawk mek bawka a ni.

Buichali leh Sairang inkar hi J intratech ten thawk mekin Pavement Concrete Cement in single lane thenkhat an siam zo thawkhat tawh a, Adviser to CM hian Sairang Zero Point atangin Sairang khawchhung lam panga hna bul tan turin a hriattir a, karleh, April thla tir atanga hna thawk tan tur leh April ni 10 hma ngeia zo turin a hrilh bawka.

Pu TBC Lalvenchhunga hian Balaji Company ten Laboratory Testing Center, Khamranga mi pawh a en nghal bawka.

<><><>

## **ART**

Mizoram chu India rama HIV positive prevalence rate sang ber ni mah se, HIV damdawi ART eite an hrisel that a, an dam rei chu thil lawmawm a nih thu MSACS hotuten an sawi.

Mizoram State AIDS Control Society(MSACS) Project Director Dr. Jane R. Ralte chuan HIV positive prevalence rate chu HIV kai thar leh hlui zawng zawng zat belhkhawm a ni tih sawiin, India ramah Mizoram HIV positive prevalence rate sang ber chu hrehawm an tih rualin hei hian thil tha a kawka a ti a, HIV kai zingah HIV damdawi, Antiretroviral Therapy (ART) tha taka ei an tam avangin, chung mite chu an hrisel a, nun pangngai a an nun bawka avangin an dam rei a ti a. Hei bakah hian Mizorama HIV kai thar incidence chu kum 2018 atang khan a tlahniam char char bawka avangin lawmawm an tih thu a sawi a. Hetih rual hian HIV chungchang inzirtirna a tam tawh avangin Mizoramah HIV kai leh kai loh inendik an tam a,

mahni dinhmun inhriate'n ART an ei that avanga an hrisel that rualin HIV kai thar zat chu a la sang chhonzawm dawn tih a sawi bawk a ni.

Kum 1999 October thla a Mizorama HIV kai hmuhchhuah a nih atanga nikum December thla thleng a HIV kai hmuhchhuah tawh zawng zawng chu mi 33,878 an tling tawh a. Nikum December thla a HIV hrik kai la dam, ART hmanga inenkawl zat chu mi 18,224 an ni.

<><><>

## AMC POLLS

Aizawl Municipal Corporation (AMC) ward 19 inthlanna lo awm tur atana candidate-te inhnuhdawh theih hun hnuhnung ber chu vawiin chawhnu dar 3 a ni.

AMC inthlan buaipuitu State Election Commission chuan inthlan vote thlak ni atan April ni 21 a ruat a, vote tlate hi April ni 27-ah chhiar a ni a. State Election Commissioner Dr. H. Lalthlangliana chuan kar kalta Zirtawpni khan AMC inthlanna lo awm tur chuh tura hming pelut mi 68-te nomination endik a nih thu a sawi a. Candidate 68-te hian endikna an paltlang vek a ni. AMC inthlan lo awm tur hi rorel lai ZPM, MNF leh MPCC te chuan bial 19 an chuh kim vek a. BJP chuan bial 11-ah candidate an nei a. Independent candidate an awm lo. AMC bial/ward 19 zinga 6 chu hmeichhe tan chauha chuh theih tura ruat a ni a. He tih lai hian tu pawhin a chuh theih bialah hmeichhe candidate 7 an awm a ni.

## *Voicecast*

*AMC inthlan lo awm turah hian vote nei hmeichhia nuai 1, sing 2, sang 8 leh 470 leh mipa nuai 1, sang 9 leh 376 awmin vote nei zawng zawng hi mi nuai 2, sing 3, sang 7 leh 846 an ni a. Polling station 257 awmin a tul anga auxiliary polling station siam belh a ni ang. Inthlanna atan hian Bharat Electronics Limited (BEL) siam electronic voting machine (EVM) hman a ni dawn a ni.*

<><><>

## COURT-HIGHWAY

Gauhati High Court chuan Sairang leh Vairengte inkar kawngpui siamthat hna thawktu pakhat chu hna an la zawh loh za zela 65 chu engtin nge April thla chungana an zawh theih dan tur a zawt.

Justice Michael Zothankhuma leh Justice Nelson Sailo te thutna bench chuan Mizoram Truck Drivers Association (MTDA) in an pawl General Secretary Pu Lalhmudika Tochwang kaltlang a Aizawl leh Silchar inkar kawngpui chhe lutuk chungchanga Public Interest Litigation (PIL) an thehluh a ngaihtuahna kal zelah Nilaini khan he thil hi ngaihtuah leh a ni a. Judge-te chuan he lai kawngpui tuan enkawltu National Highways and Infrastructure Development Corporation Ltd. (NHIDCL) chu an hnuai a contractor J. Infratech Limited-in hna an thawh dan report chu affidavit hmangin chawlhkar 2 chungin court-ah thehlut turin an ti a. Contractor hian kawng siamthatna atan hian lung chang tha (limestone rock) a

hmang em tih finfiah turin a ti a, contractor pawh lung chang tha an hmang ngei em tih affidavit theh lut turin a hriattir baw.

Contractor J. Infratech Limited hian Sairang Zero Point leh Buichali lei inkar, New Khamrang leh Kawnpui inkar leh Kolasib leh Bilkhawthlir inkar siamthat hna an thawk mek a ni. J. Infratech Limited ukil Pu Anil Kumar chuan a hma lamah khan kumin April thla chhung ngei a hna thawh zawh fel an tum thu affidavit hmanga a theh lut thu sawiin tun dinhmunah hian hna hi za zela 35 chauh an la zawh thu a tarlang a. Court chuan J. Infratech Limited chu affidavit hmang ngei-in an hna la thawh bak za zela 65 chu engtin nge April thla chhunga thawh zawh hman an tum dan Chiang taka zia lang turin a hriattir a, chu bakah kawngpui siamthat hna an thawhna hrang hrangte dinhmun Chiang taka zia lang turin an ti baw. He thubuai hi April ni 22 a ngaihtuah leh tura dah a ni.

<><><>

#### AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

#### AMC PLAYGROUND

Urban Development & Poverty Alleviation Minister Pu K. Sapdanga chuan Bawngkawn a AMC Playground chu February ni 3, 2022 atanga sak tan a ni a, sum ruahman sa chin thlang hi May 3, 2024 thlang thawh a ni, a ti.

Assembly a roellai ZPM member Pu T. Lalhlipua zawhna chhangin Pu K. Sapdanga chuan Bawngkawn Brigade Ground (AMC Playground) atan hian cheng vaibelchhe nga nuai li singthum sangruk hman a nih tawh thu a sawi a. Sum ruahman chin chu thawh zawh tawh a nih thu tarlangin hemi hna thawktute chu Lalchhuana, Chawlhmun; Lalrinmawia Sailo, Bawngkawn; Zoremuana, Bawngkawn; T. Thanzauva, Electric Veng; R. Lalmuansanga, Khatla South; Ramngaihawma, Republic Veng; Tlangkhuma, Dinthar; Lalmalsawmi, Chanmari West; Sangthuama, Bawngkawn; Tluangzela, Tuikual North; Lalrinawma Hnamte, Tuikual; Lalbiaksanga, Chaltlang; Lalremsiami, ITI; Biaklala, Bawngkawn; Zohmingmawia, Republic Veng; PB Lalbiaktluanga, Dinthar; C. Lalawmpuii, Chawnpui leh Tlangkhuma, Dinthar te an nih thu a tarlang.

<><><>

#### WEST ASIA

Nimin Khan Prime Minister Narendra Modi chuan Asia khawthlang lam ah petrol leh diesel harsatna a in mung chhoh mek thu leh khawvel ram hrang hrang te pawhin harsatna an tawh chhoh mek thu a sawi. Pu Modi chuan Maan Ki Baat programme ah India chuan hun harsa a tawh mek thu sawiin, hun pawimawh tak anih thu a sawi a, ram hrang hrang ten an thlawpna ah lawmthu a sawi baw. Pu Modi chuan mipui te chu chia lo tur leh fimkhur tur a chah in, sawrkar thuchhuak ngaichang tur leh zawm turin a ngen baw a ni.

Prime Minister Narendra Modi chuan Asia khawtlang ram a buaina chhuak mek hmuna India khua leh tui te himna chu an ngaipawimawh hmasak ber anih thu a sawi a. Asia khawtlang rama sawrkar hmalakna te tarlangin, India chuan thil awmdan a thli tlai reng thu leh buaina chinfel nana hma an lak reng thu a sawi bawk.

Sawrkar laipui hian ram pum ah petrol leh diesel chhek khawl a that tawk thu sawiin, mipuite chia i lo tur leh thuthang diklo thehdarh te ringlo tur in a chah a, Ministry of Petroleum and Natural Gas chuan petrol leh diesel ah excise duty te chu litre 1 ah Rs 10 a tihhniam a nih thu a sawi.

Sawrkar chuan ramchhungah LPG supply pawh a pangngai reng thu sawiin, nitin cylinder nuai 55 chuan semchhuah a nih thu a sawi bawk.

<><><>